

Headline	Busking selawat, qasidah sebar Islam		
MediaTitle	Harian Metro		
Date	23 Sep 2019	Color	Full Color
Section	Setempat	Circulation	112,705
Page No	5	Readership	338,115
Language	Malay	ArticleSize	202 cm <sup>2</sup>
Journalist	N/A	AdValue	RM 7,927
Frequency	Daily	PR Value	RM 23,781



## Busking selawat, qasidah sebar Islam

**Alor Gajah:** Busking selawat dan qasidah antara usaha kumpulan Persatuan Pengajian Sri Rahmat Nurusa'adah Tangkak, menyebarkan keindahan Islam khusus kepada remaja.

Penampilan mereka yang berkopiah ketika melakukan

persembahan di tempat terbuka seperti pasar tani serta pasar malam terbukti mampu menarik perhatian orang ramai.

Terbaru, persembahan kumpulan buskers berkopiah ini di Pasar Tani Alor Gajah, di sini, pagi sema-

lam, secara tidak langsung menceriaikan lagi suasana.

Ketua kumpulan buskers ini Redha Mohamad berkata, persembahan melibatkan ahli berusia 13 hingga 18 tahun.

"Kami kerap membuat

persembahan sekitar Selangor, Kuala Lumpur, Johor dan Melaka. Sekarang kami mengumpul dana untuk pembukaan dua surau di Sabah dan Sarawak.

"Sumbangan orang ramai digunakan untuk menampung kos pembinaan kedua-dua surau berkenaan yang kini rancak dijalankan," katanya ketika ditemui.

Sementara itu ahli kumpulan buskers terbabit Nor-din Shah, 37, berkata, mereka juga tidak janggal menyampaikan qasidah di tempat umum termasuk di Jalan Masjid India, Kuala Lumpur sebelum ini.

"Selain menyampaikan keindahan Islam, kami mahu mengelakkan remaja daripada terbabit aktiviti tidak berfaedah seperti lumba haram dan penyalahgunaan dadah," katanya.



KUMPULAN Persatuan Pengajian Sri Rahmat Nurusa'adah Tangkak berselawat dan berqasidah sambil bermain muzik di Pasar Tani Alor Gajah.